

信和集團「幼苗助養計劃」10周年誌慶典禮

機電工程署署長薛永恒太平紳士致辭

「一份希望・一份尊重」

楊生，關生，林生，各位嘉賓，各位朋友，大家好。好榮幸今日可以嚟到由信和集團同匡智會合辦嘅「信和幼苗助養計劃」10周年誌慶典禮，見證一個咁有意義嘅計劃里程碑。

吾知道大家覺得一百元有咩用呢？記得我第一次接觸「信和幼苗助養計劃」時，當知道參加嘅租戶只需用一百元，就可以一次滿足「綠化」同「共融」兩個願望，我心中不禁有一個衝動想通知我太太：「不如往後星期日我地兩公婆飲下午茶嘅錢就改為用於這個幼苗助養計劃。」可惜我只是宏天廣場嘅鄰居而非租戶，最終只能「望苗興嘆」。不過，我知道今次10周年，信和集團特別推出「助養苔玉計劃」，將顧客都納入為助養者，終於令我們可以得償所願。

在「信和幼苗助養計劃」中，大廈租戶以個人或公司名義捐出港幣一百元，便可助養幼苗一年，而幼苗同盆栽會放置在空中花園及大堂等地方以綠化大廈，進而惠及社區。相信大家都知道，香港地少人多，高樓林立。為了改善城市嘅生態環境，社會各界一直致力於推動可持續發展，而屋頂綠化對於香港這個全球擁有最多高層建築物嘅城市，可說是非常重要嘅發展方向。

然而，這個計劃嘅意義不單單是將綠色生活融入工作間，更蘊涵著促進社會共融嘅宏願。計劃為匡智會學員創造就業機會，由學員培植同打理租戶助養幼苗，並同租戶分享有機種植同心得，捐款更是全數撥予匡智會以培訓更多園藝同有機耕種專才。這正正是我地社會對殘疾朋友提供工作和就業機會的最佳支持。殘疾人士和我地一樣都是社會嘅一份子，有權享用同等嘅資源。而在接受訓練後，佢地亦能發揮所長，為社

會出一分力。例如政府現時也有聘用約 3,000 名殘疾人士為公務員，是我地重要資產。我想，對於殘疾朋友來說，「一份工作」代表的不只是收入，而是俾佢地「一份希望」、「一份尊重」。佢地需要的是一個平等的機會，讓大家對佢地嘅能力得以肯定。望著這個助養計劃所栽種嘅一株株幼苗，我看到不單是茁壯成長的生命力，更是人與人之間嘅關懷尊重，各展所能嘅精神。

以我所知，「信和幼苗助養計劃」並非信和集團同匡智會第一次合作。同樣是推廣綠化的「商廈天台綠化計劃」展開已超過 10 年，至今共聘請 12 位匡智會學員為租戶悉心打理天台園圃，定期收割時令蔬菜，並設置攤位義賣盆栽及園圃收成；計劃有超過 3,500 位租戶參與其中，為匡智會籌募逾港幣二百萬元經費。還有「匡智競步上雲霄」、「信·綠承傳」體驗營等等，均是讓公眾進一步認識智障人士嘅潛能，同時協助佢地盡展所長嘅機會，可謂一舉多得。

作為大型商業機構，信和集團一直以身作則，積極參與各項關懷社區和環保活動。而匡智會本著「匡扶智障」的精神，竭誠為智障人士同佢地嘅家庭提供全面的服務。兩者互相配合，同心協力，構思出一個個意義非凡的活動，實在令人非常敬佩。當然還要感謝在座各位朋友嘅大力支持，包括同樣關注社區的多個團體夥伴、踴躍參與計劃嘅租戶，以及為我地展示了何為積極面對人生嘅每一位匡智會學員。

眾多渺小嘅幼苗就能創造一個美麗嘅花園。我深信，只要大家繼續並肩同行，播下關愛共融嘅種子，我地定能攜手打造香港成一個更美好嘅家園。多謝大家！

2019 年 6 月 5 日